

# लईका मन बर बाईबिल प्रस्तुत करत हवे |

# ਪਹਿਲਾ ਇਸਟਰ



लिखे गए हवे। : Edward Hughes

उत्साह बढ़े गए हवे। : Janie Forest  
Alastair Paterson

चयन करे गए हवे। : Lyn Doerksen

अनुवाद करे गए हवे। : मधुलिका महतो

बनाए गए हवे। : Bible for Children  
[www.M1914.org](http://www.M1914.org)

©2020 Bible for Children, Inc.

लाईसेंस : आप मन करा इ कथा ल छापे बर अऊ नकल करे के अधिकार  
तभे तक हे जब तक आप मन एला बेचिहा नाही।



एक झन स्त्री हर पहाड़ के अबड़ हल्ला गुल्ला  
डीही मा ठाढे रहिस। ओकर दुखी  
आंखी मां बनेच भयभीत दिरिश  
हर देखत रिहिस। ओकर  
बाबू हर मरत रहिस।  
ओहर महतारी मरियम  
रहिस अऊ ओहर जोन  
जगहा मा ठाढे रहिस  
जोन करा जीशु  
मसीह के हाथ  
मा खिला ठोक  
के लटकाए  
रहिन।





इ सबो हर कैसे होइस, कइसे जीशु हर अतकी सुधर जीवन के अंत ला अतकी भयानक रूप म करही । कइसे भगवान हर अपन लइका ला कुरुस मा अपन जान ल देहे बर कहिस । का जीशु हर ए जाने बर गलती कर दिस कि ओहर का हे ! का भगवान हर हार गिस ।





न ही भगवान हर नी हारिस,  
जीशु हर कुछ गलती नई करे  
रहिस। जीशु ल आधु ले पता  
रहिस कि ओला दुरबल  
मझसे मनके द्वारा मृत्युदंड  
देही जाए। इहां तक कि जभे  
इशु हर लईका रहिन एक ठी  
सिमोन नाम के सियान मझसे  
हर मरियम ला कहे रहिस कि  
आगू आए वाला दिन हर दुख  
मा भरे होही।



जीशु के मरे के कुछु  
दिन आगु एक ज्ञन स्त्री हर  
आईस अऊ ओकर गोड़ मा  
इतर ला छिटकाईस, ओहर  
अपन धन ला सोझे मं गंवाईस ।  
चेला मन कहिन ओहर मोर गाड़े जाए  
बर ऐसने करिस । कईसन अलगा गोठ ।




एखर बाद जहुदा स्कारयुति, जीशु  
के बारह चेला मन ले एक झन  
चेलातीस चांदी के सिकका कर  
बदला मा जीशु ला परमुख  
धर्मगुरु के हाथ म सौंपे बर  
अउर पकड़वाए बर  
राजी हो गिस ।



जीशु हर अपन चेला मन के संग म  
आखिरी भोजन करिस, ओमन ओखर  
आश्चर्य चकित अऊ अनोखा गोठ ल  
बताईस भगवान कर बारे म अऊर ओकर  
करे गे किरिया के बारे म। जोहर ओमन  
ले माया करथे। ओखर पाछू जीशु हर  
रोटी अऊ कप ला ओमन ला बांटे बर  
दिस। ये ओमन ला सुरता देवाए  
बर कि जीशु के  
शरीर अऊ लहु ला  
हमर पाप के क्षमा  
बर दिए गिस है।



फेर जीशु हर अपन संगवारी मन ला कहिस कि ओला मृत्यु दंड  
दिए जाही। तभे वो सब्बो झन भग जाही। "मैं नई भागों" पतरस हर  
कहिस। कुकरा के बांग देहे के पहले तै हर मोला सुविकार ले तीन  
घा इनकार करबे। जीशु हर कहिस।





ओ दिन बड़े रात जीशु गत  
समनी के बाग म चल दिस  
प्रार्थना करे बर। जोन चेला  
मन ओकर संग म रहिन  
सबो के हि सुत गिन। “हे  
मोर भगवान्” जीशु हर  
प्रार्थन करिस।



अचानक ले गुंडा मन बाग मां घुमत रहिन ।  
यहुदा स्कारयुति के कहे मा जीशु हर हलिस  
भी नाही पर पतरस हर उ मझनखे कर कान  
ला काट दिस । धीरे ले जीशु हर उ  
मझनखे के कान ला छुईस अऊ  
चंगाई ला दीस । जीशु हर जानत  
रहीन कि ओखर बंधक बनाए बर  
भगवान के मरजी रहीस ।



गुंडा मन जीशु ला बड़खा धरमगुरु के घर म ले गईन। उहां जहुदी  
अगुआ मन कहिन कि जीशु ला मरे ल चाही। पतरस लकठा मां ठाढ़े

रहिस अऊ जंगा के देखत रहिस।


तीन घा मइनसे मन पतरस अंग  
ला घुरीन। अऊ कहिन कि तुमन  
जीशु के संग मा हावव। तीन घा  
पतरस हर इनकार करिस।

जइसे कि जीशु हर  
ओला कहें रहिस ओहर  
उसनेच करिस। इहां  
पतरस हर शापित  
अऊ दंडित  
होईस।



कुकरा हर बांग दिस कोकरे  
- कौं |

जईसन कुकरा हर बांग दिस  
ओहर अइसन रहिस जैसन कि  
भगवान के आवाज | जैसन कि  
पतरस ला कहत रहिस होही |  
जीशु के गोठ ला सुरता करके  
पतरस हर सुबुक सुबुक  
के रो दारिस |



जहुदा इस्कारयुति हर घलो अपन पाप ला  
प्रायश्चित करत रहीस। ओहर जानत रहिस  
कि जीशु कोनो परकार ले पाप अऊ  
अपराध के दोषी नई रहिस। जहुदा  
इस्कारयुति चांदी के तीस सिक्का  
ला लौटा दारिस, पर धरमगुरु  
मन नई लीन।





जहुदा इस्कारयुति हर  
पइसा ल तरी म फेंक दिस  
अऊ बाहिर चल दिस अऊ  
अपन आप ला फांसी मां  
लटका दारिस ।







धरमगुरु जीशु मसीह ला पीलातुस के  
आगु मा लानिस। एक ठन रोमन सरकार।  
पिलातुस हर कहिस ओला इ मझनखे  
म कोनो परकार के दोष नई मिलीस। पर  
गुंडा मन चिल्लावत  
रहिन, एला सूली मां  
चढ़ावा, एला सूली  
मां चढ़ावा।



आखिर म पिलातुस हर हार मान गे ।  
अऊ जीशु ला सूली म चढ़ाए बर  
आदेश दे दीस । सेना मन जीशु ला  
धूंसा मारीन, ओकर मुहं मां थुकिन  
अऊ ओकर कपरा ला फारीन ।



ओमन एक ठा कठोर मुकुट ला तियार करिन। अऊ ओमन ओकर  
मुड़ मा मसक के राख दिन। ओकर पाछू ओंमन ओंकर हाथ अऊ  
गोड़ मा खिला ठोकिन अऊ कुरुस मा चढ़ा दिन।



कुछु घंटा तरके अऊ सहे के पाछू जीशु हर  
कहिस— अब इ हर सिरा गिस। अऊ  
जीशु हर मर गिस। ओखर काम  
हर सिरा गे रहिस। ओकर  
संगवारी मन ओहला एक  
ठन सुरक्षित गुफा के  
भीतरी म दफनाईन।



ओखर पाछु रोमन सेना के सैनिक  
मन कबर अऊ गुफा ला एक  
बड़खा पथरा ले ढांक दिन।  
अऊ ओकर पहरे दारी करे  
लागिन |अब ना कोना  
भीतरी जाए सकत  
रहिन अऊ ना कोनो  
बाहिर आए सकत  
रहिन।



जदि इ हर इ कहानी के अंत रहिस  
त इहर कतकी दुःख के गोठ होही ।  
जदि भगवान हर कुछु अचरच  
करिस जीशु मर के  
रुके नाई रहिस ।



बिहाने – बिहाने हफ्ता के पहिला दिन  
जीशु के कुछु चेला मन इ पाईन कि  
पथरा हर कबर से सरके हावे।  
जब ओमन भीतरी ला देखिन  
त भगवान जीशु उहां  
नाई रहिस।



एक झन स्त्री हर रुक गिस गुफा के भीतर म  
रोवत—रोवत जीशु ओखर आगु मा परगट  
होईस। ओहर खु दि मा भागत लउट  
गिस। अपन अऊर चेला साथी मन  
ला बताए बर कि जी जु जिंदा हावे।  
जी जु हर मौत ले वापिस जी  
उठिस  
हावे।



झट से जीशु हर चेला मन के लकठे आईस। अजु अपन  
खिला ठोके हाथ ला ओमन ला दिखाईस। जीशु हर फेर  
ले जी उठे रहिस |ओहर पतरस ला क्षमा कर दे रहिस  
ओला इनकार करे बर। अजु अपन सबो चेला मन ला  
कहिस कि ओमन सबौ ला ओकर बारे मा बताए। अजुर  
ओहर सरग अंगत वापिस चल दिस। जिहां ले ओहर  
आघु क्रिसमस म आए रहिस।



पहिला इस्टर

इ कथा हर भगवान के बचन के द्वारा एक ठी बाईबिल  
पाए जाथे ।

मति २६-२८, लुका २२-२४, युहन्ना १३-२१

“आप मन कर बानी हर एला अंजोर देथे ।”  
भजन संहिता ११९ : १३०



समाप्त ।



बाइबल के कहानी हा हमन ला हमर महान भगवान के बारे में बता थे। जेनहा हमन के रचना करे हावे अऊ जिनह ये चाहथे कि हामन ओला जानन।

भगवान ला पता है कि हामन गलत काम करे हन जेन ला ओहर पाप कहिथे। पाप करे के सजा मौत हावे, पर भगवान हा हमन ले बहुत प्यार करथे कि ओहर अपन अकेल्ला बेटा ईशु मसीह ला क्रूश में मरे बर अऊ हमर पाप के सजा पाए बर भेजीस। ओखर बाद ईशु मसीह के फेर से जनम होथे अऊ ओहर घर ले स्वर्ग मा चल देथे। अगर तुमन ईशु मसीह मा भरोसा करथव अऊ अपन पाप बर माफी मांगथव ता ओहर जरूर माफ कर दीही। वो हर जरूर आही अऊ तुमन के भीतरी मा अभी रहिही, अऊ तुमन ओखर संग मा हमेशा बर रहिया।

अगर तुमन विश्वास करथव कि इही हर स चहे, त भगवान ले येला कहव प्रिय ईशु, मैं विश्वास करथव कि अप मन भगवान हव अऊ मोर पाप के सेतर मरे बर मनुष्य बनेव अऊ आप हर फेर से जिवित हव। दया करके मोर जिंदगी में आवव अऊ मोर पाप ला क्षमा करव, ताकि मैं हा नवा जीवन ला पा सकंव अऊ एक दिन हमेशा बर आप मन के संग जा सकंव। मोला मदद करव ताकि मैं आप मन के हर आङ्गा के पालन कर सकंव अऊ आप मन के बेटा बन के आप मन बर जिये सकंव। आमीन।

बाइबल ला पढ़व अऊ भगवान से रोज बात करव !

